

Divi Thomae Aqvinatis Doctoris Angelici Opera Omnia

Summa diligentia ad exemplar Romanæ Impreßionis restituta
Complectens Quæstiones, Qvæ Dispvtatæ Dicvntvr, & Quæstiones
Quodlibetales, siue Placitorum eiusdem S. Thomæ

Thomas <von Aquin, Heiliger>

Venetiis, 1593

4 Vtrum hæc sit falsa; Deus potest peccare si vult.

[urn:nbn:de:hbz:466:1-72780](#)

QVODLIBET. V.

ART. III. ET V.

33

simul esse & non esse: & eiusdem rationis est, quod fuit, non fuisse. Vnde Augusti dicit 26. contra Faustum. Quisquis dicit, si omnipotens est Deus, faciat ut ea quae facta sunt, facta non fuerint, non videret se hoc dicere, faciat ut ea quae vera sunt, eo ipso quo vera sunt, falsa sint.

AD PRIMUM ergo dicendum, quod cum verbum sit conceptus mentis, nihil quod contra distinctionem implicatur, verbum dici potest, quia non cadit in conceptu mentis, ut probatur in 4. Metaphys.

ARTICVLVS I. I. I.

Vtrum hac sit falsa, Deus potest peccare si vult.

AD SECUNDVM sic proceditur. Videtur quod haec sit falsa, Deus potest peccare si vult. De quocumque enim possum dicere, quod homo potest facere si vult, potest etiam dici simpliciter, quod homo potest facere illud. Si ergo haec propositio est vera, Deus potest peccare si vult, sequitur quod haec sit vera, Deus potest peccare: sed hoc est errorum, ergo & primum.

SED CONTRA. Quicumque vult peccare, peccat: sed sequitur si Deus peccat, potest peccare. ergo sequitur, si vult potest peccare.

RESPON. Dicendum, quod haec coniunctio, si, ordinem quandam importat. Potest autem in proposito duplum ordinem importare. Vno quidem modo, ordinem causæ, sive principij, & hoc modo propositio falsa est, voluntas enim Dei est principium & causæ respectu creaturarum, non autem respectu eorum quae pertinent ad diuinam naturam: vnde non dicimus, quod pater generer filium voluntate, sed naturaliter, ut patet per Hilariū in libro de syno. Potentia autem Dei ad ipsam naturam diuinam pertinet: vnde hoc ipsum quod est posse peccare, non est subjectum diuinæ voluntatis, alioquin voluntas Dei esset principium immutacionis diuinæ, quod est impossibile. Alio modo, potest importare ordinem consequentiæ, & sic haec locutio est vera. Si Deus vult peccare, potest peccare. Sequitur enim sine conditione, si argumentamur ex impossibili posito. Deus vult peccare. ergo potest peccare. Omnia enim quae vult potest, sed non econuerit.

AD PRIMUM ergo dicendum, quod cum dicuntur, Si homo vult currere, potest currere, antecedens est possibile, & ideo consequens est simpliciter possibile: sed cum dicitur sic. Si Deus vult peccare, potest peccare, antecedens est impossibile, vnde nihil prohibet conditionalem esse veram, consequente existente impossibili.

QVÆSTIO III.

D EINDE quantum ad naturam assumptam, quæsita sunt duo.

Primo, Vtrum totus sanguis Christi in sua passione effudit, in resurrectione ad corpus eius redierit.

Secundo, In quo Christus nobis maius signum dilectionis exhibuerit, vtrum in hoc quod Christus passus est pro nobis, vel in hoc quod corpus suum dedit nobis sub sacramento in cibum.

ARTICVLVS V.

Verum totus sanguis Christi, qui in passione eius est effusus, ad corpus eius in resurrectione redierit.

CIRCA primum sic proceditur. Videtur quod totus sanguis Christi, qui est in passione eius effusus, ad corpus eius in resurrectione redierit. Resurrecō enim nostra conformis erit resurrectioni Christi, secundum illud ad Philip. 3. Reformabit corpus humilitatis nostræ cōfiguratorem corpori claritatis sue: sed ad corpus nostrum in resurrectione redibit totum quod fuit de veritate humanae naturæ. Sanguis autem Christi in passione effusus, fuit de veritate humanae naturæ, & sacer dicitur, secundum illud, Quem sacer crux perunxit fusus agni corpore. ergo videtur quod ille sanguis Christi in passione effusus, in resurrectione ad corpus eius redierit.

¶ 2 Præ. Verbum Dei numquā depositum quod in nostra natura assumpsit, partibus humanae naturæ ab inuicem in passione separatis: sed verbum Dei assumpsit in natura nostra non solum corpus, sed etiam sanguinem. ergo sanguis ille numquā fuit a verbo depositus. redit ergo ad ipsum in resurrectione.

SED CONTRA est, quod in aliquibus ecclesijs sanguis Christi vñque hodie dicitur seruari.

RESPON. Dicendum, quod in resurrectione tam Christi, quam nostra, totum quod fuit de veritate humanae naturæ, reparabitur, non autem illa que de veritate humanae naturæ non fuerunt. Et quāmuis circa ea quæ sunt de veritate humanae naturæ, sit diversa diuersorum opinio, secundum qualibet opinionem non totus sanguis nutrimentalis, id est, qui ex cibis generatur, pertinet ad veritatem humanae naturæ. Cum ergo Christus ante passionem comedet & biberit, nihil prohibet in eo fuisse aliquem sanguinem nutrimentalem, qui ad veritatem humanae naturæ non pertinet, & quem oportet ad corpus eius in resurrectione redire. Sed quia specialiter fit quæstio de sanguine in passione effuso pro redēptione humani generis, de hoc magis dicendum videtur, quod torus in resurrectione ad corpus Christi redierit tripliciter, quarum prima accipi potest ex aetate Christi patientis. Paulus est enim in perfectissima aetate, in qua maxime ea quæ in homine inueniuntur, ad veritatem humanae naturæ pertinere eviduntur, tamquam ad maximam perfectionem adducta. Secunda sumitur ex merito passionis. Si enim sanctorum martyrum illæ partes, in quibus passionem pro Christo sustinuerunt, quendam priuilegium fulgorem in resurrectione habent, ut Augustinus dicit 21. de ciuitate Dei. ergo multo magis sanguis Christi, quem pro salute humani generis effudit, ad gloriosam resurrectionem reparatus est. Tertia ratio potest sumi ex ipsa virtute passionis. Sanguis enim ille in passione effusus humanum genus sanctificavit, secundum illud ad Hebreos ultimum, Iesu ut sanctificaret per sanguinem suum populum extra portam paulus est. Humanitas autem Christi salutiferam virtutem habuit ex virtute verbi sibi uniti, ut Dama dicit in 3. lib. Vnde manifestum est, quod sanguis in passione effusus, quod maxime fuit salubris, fuit diuinitati unitus: & ideo oportuit, quod in resurrectione iungeretur alijs humanitatis partibus. Sanguis autem Christi, qui in quibusdam ecclesijs ostenditur, dicitur ex quadam

Quodlib. S. Tho. E imagine